

援
黔
錄

援

錄

最

援黔錄

卷二

稟由

稟議定各軍刻期分道渡河進規玉華山尚大坪及
條請檄飭劉道疏通黔省大路由

稟各軍進剿道途險遠請照階州采辦軍米案自五
月初一日起給發運費以資接濟而示體卹由

稟請由富榮釐局提撥果毅卹養銀兩由

稟會商安吉忠字四營改由養龍會攻開甕賊巢由
稟爲遵將攻克水源溝檜木園偏刀小廟壩各逆巢
烏江北岸肅清在事出力文武員弁勇丁開單呈
請獎勵由

附稟貴州巡撫

夾單一

稟爲連日安定果毅振武分路獲勝攻克玉華兩驛

頂山老巢生擒首逆克復甕安縣城收撫數百寨
餘慶全境肅清由

稟爲進剿平越黃平等處苗匪兵力不敷分布請暫
將降人添收五營由 夾單一

稟爲果毅振武傷亡弁勇開單懇乞飭發卹養銀兩
由

稟爲六月二十八日攻克尚大坪生擒劉儀順黔省
號匪剿撫淨盡由 夾單二

附稟貴州巡撫 夾單二

稟爲各軍攻剿牛場悍苗獲勝及與蹇道會議各情
形由 夾單四

稟爲攻克祁山屯牛場烏雲山等處苗寨懇將陣亡
叅將吳洪貴奏請從優照總兵陣亡例 賜卹准

於寶安建立專祠迭次從征陣亡弁勇一體附祀

由夾單二

稟攻拔龍井地宋苗寨收撫平越麻哈清黃一帶七

十二寨狃夷斃佬由

夾單一

稟爲克復麻哈州城收撫狃等苗數百寨及現在

部署情形由夾單三

稟爲連日獲勝攻克酸湯寨等處賊巢都勻苗酋潘

名傑來營投誠由

稟爲攻克上塘打鐵關等處苗寨都勻苗酋柳天成

等就撫由夾單一

稟爲攻拔苗寨數十黃平舊州城池收復由

夾單一

附稟湖南巡撫條陳會剿機宜由

稟爲攻拔黃平新州城及尖山坡老巢各路獲勝情

形由

附稟貴州巡撫夾單

稟爲遵將川師攻克玉華山尚大坪等處賊巢生擒
首逆克復甕安縣城開甕餘慶掃境肅清在事出
力文武員弁勇丁開單彙請獎勵由夾單二

稟爲迭次陣亡弁勇開單呈候彙奏請卹由

稟爲安定果毅振武等營傷亡弁勇開單懇請飭發
卹養銀兩由

稟爲隨征文武員弁得功後在營積勞病故懇照陣
亡例奏請從優 賜卹由

稟自前月二十五以後各軍勦賊獲勝情形及賊竄
擾牛場楊家林署平越州知府馬樹清本營委員
汪廷燮殉難現在分兵擊退由夾單三

稟爲兵力實屬不敷分布仰懇仍准添收降勇二千

三百名以資成功由

夾單一

附稟貴州巡撫夾單

稟爲連日各路獲勝由

夾單二

稟爲病難速痊舉能自代懇給假還蜀醫調由

夾單



援黔錄

稟由

卷三

稟議定各軍剋期分道渡河進規玉華山尚大坪及
條請檄飭劉道疏通黔省大路由

竊卑府前過水源溝詳詢降人及地方父老僉稱玉華山
巢穴險峻林箐深邃背負尚大坪前阻老鴉山左有石阡
大轎頂山右有開州小轎頂山爲之犄角周環數百里漢
苗賊寨如林往年黔省沈總兵宏富擁兵萬餘攻剿年餘
卒致糧道斷絕全軍潰敗折回遵郡跡其致敗之由良以
官軍進攻全聚一路而蹊徑叢榛首尾狼狽故爾遷延歲
月未能得手今宜分兵三路以一軍攻其前以兩軍分剿
兩轎頂山斷其左右臂然後遶出玉華山背奪據酸棗坪
長安營等處賊巢從高擊下事蔑不濟卑府覆思其言甚
確便飭唐鎮大有吳叅將洪貴於江界河袁家渡龍坑分

造船隻飭蕭委員濟川采辦米糧由團溪新舟兩路分運
豬場大壘存儲現皆粗有頭緒吳叅將復渡河襲奪花龍
口斬偽王盧萬量收撫其黨偽王蕭桂盛舉眾千餘來降
而前次來投之漢苗譚光前等五十九寨復遣人來乞旗
幟卑府發給入十面諭令先從楊家林等處進擊斷玉華
尚大坪兩賊聲援鄧丞率果毅老中營右營後營并廟壩
添收降眾五百人由袁家渡渡河督蕭桂盛攻大轎頂山
拔取後便由板步河趨上朶梁襲取酸棗坪長安營唐鎮
率所部由龍坑渡河先攻小轎頂山拔取後便攻青岡寨
進趨酸棗坪與鄧丞會合以斷賊後卑府自與劉鎮張守
率安定中營副中營前營及水源溝添收降眾五百人果
毅副中營前營左營長勝軍親兵共四千五百人由江界
渡河以當其前隨時派撥策應左右兩路劉鎮張守

所見皆同遂飭各營剋期本月二十七日始先後由遵郡
拔發以期迅速掃蕩仰慰憲厯至省城大路卑府前派果
毅前左兩營會同安吉忠字各營前往疏通僅果毅營小
有禽斬而賊匪出沒如故卑府親赴息烽一帶查度自老
軍關至省二百一十里間數年來荆棘如林高與人等左
則尚大坪玉華山賊分股由白泥洪水等處來右則安順
巖大五分股自清鎮修文等處來藏匿荆棘叢中伺便利
劫商賈行旅一經飽掠仍復歸巢而黔省所派駐紮札佐
息烽一帶兵練又皆與勾連以是道路梗阻疏通不易卑
府愚以爲安順城圍現在稍鬆劉道嶽曙旣不往援遠駐
畢節等處甚屬無益應請憲台檄飭劉道卽率所部進駐
清鎮修文時時分兵剪除荆棘遊奕鵬剿則安順之賊不
能往來鎮西衛札佐一帶卑府等旣分路渡河則尚大坪

王華山賊亦必斂而歸巢不能出沒於大道應請憲台札飭蹇道督率所部安吉忠字四營分駐黑神廟息烽羅邦狗場札佐沙子哨百三十里間排日出隊遊奕鵬劉剪除荆棘則零匪無所藏匿不過一月商賈暢行釐稅增多於黔省大局實有神益至添收水源清廟壩等處降眾千人口糧均由卑府及劉鎮籌墊合併陳明所有議定各軍剋期分道渡河進規玉華山尚大坪及條請檄飭劉道蹇道疏通黔省大路緣由理合稟請察核示遵

稟各軍進剿道途險遠請照階州采辦軍米案自五月初一日起給發運費以資接濟而示體卹由

竊查黔中凋敝已久田土荒蕪人民離散軍糧采辦維艱轉運尤屬不易卑府前督各軍進剿偏刀水水源清廟壩等處時米糧由正發綏桐一帶採辦相距均在二百里外

顧夫轉運斗重三十斤背米行一里給錢一文計每營勇夫共七百名日需米三石五斗需用運腳錢七千餘文每銀一兩換錢一千四百餘文合計每營每月需用運費銀約一百五十兩卑府以爲數尚少業商同果毅振武兩軍暫由各營自行籌墊現在剋期分路渡河進規玉華驍勇尚大坪等處賊巢道路旣屬險巇相距復遠在四百里以外運費必加增一倍始能敷用每營每月計需運費銀三百餘兩各營長此賠墊力不能支卑府伏查所部安定共三營半果毅共七營半振武共三營計共一十四營合之添收降眾千人通計十六營合無仰懇憲台俯念攻剿吃緊賠墊維艱援照上年攻剿階州采辦軍米之案自五月初一日起每月每營給發運費銀叁百兩以資接濟而恤戎行無任感禱之至如蒙允准卽飭採辦委員將道途里

數米糧數目及起運日期運費銀兩隨時造冊呈報請領
所有各軍進剿道途險遠請照階州采辦軍米案自五月
初一日起給發運費以資接濟而示體卹緣由理合稟請
察核示遵

稟請由富榮釐局提撥果毅卹養銀兩由

竊卑府頃接准果毅營劉鎮咨稱做部副中營後營於本
年閏四月初九初十等日在夔川縣屬攻克新田頭馬道
廟壩雨壇堡各賊巢迭次打仗傷亡勇丁共一百零二名
除隨時派員確驗墊發卹養銀兩相應開列等第造具名
數清單咨請查核轉稟等因准此卑府覆查無異計單開
頭等傷三十七名照章需銀五百五十五兩二等傷十七
名照章需銀一百七十兩三等傷二十一名照章需銀一
百零五兩陣亡二十七名照章需銀六百七十五兩總共

墊發過銀一千五百零五兩相應稟請憲台俯念攻剿吃緊需餉甚殷迅札防剿局將果毅營墊發卹養銀兩卽由富榮釐局隨同月餉照數提撥以示體卹而資觀感所有請由富榮釐局提撥果毅卹養銀兩緣由理合稟請示遵
稟會商安吉忠字四營改由養龍會攻開甕賊巢白竊本月二十日曾將分路渡河進規平甕等州縣賊巢部署情形具稟在案旋於二十三日據振武軍中營副將張占鳌前營叅將劉宇德等稟稱黔省所派余士舉住紮開州屬關刀山之團練因無糧食潰散過河尚大坪賊匪將關刀山占據逼近河岸該營勇丁半月來染患痢疫約數百名各等情前來卑府當飭該將等將患病勇丁留於豬場調理餘由該將等帶領星夜渡河收集潰圍先復關刀山以便進剿小轎頂山青岡寨去後伏查我軍渡河進規

平襄非左右兩路先拔兩轆頂山青岡寨牛場不足制玉
華山尚大坪兩賊死命振武一軍獨當右路兵力本屬不
厚唐鎮大有近復染患疫瘡就醫遵郡不能剋期到營而
該營勇丁患病復多以之攻剿實虞單薄卑府前稟請飭
劉道督率所部進駐清鎮修文蹇道督率所部疏通省道
原期五路並舉可以迅速奏功覆巢之後不使餘孽橫逸
今右路兵力既不能拔小轆頂山卑府及劉鎮所部又已
分布中左兩路不能驟撥以益振武誠恐我軍進攻玉華
山而尚大坪之賊得從右路牽我兵勢不獨卑府猝難得
手卽蹇道疏通省路亦復不易適蹇道自省回遵卑府面
與熟商除果後一軍仍請憲台飛飭劉道剋日移駐清鎮
修文兩縣以顧省門而防竄逸外蹇道剋日督所部安吉
忠字四營由養龍踰南望山橫掃而東以規小轆頂山振

武一軍暫駐關刀山爲之聲援俟卑府渡河拔青岡寨卽使分兵會攻如此則尚大坪之賊將斂而自固省城大道不疏自通矣蹇道所見正復相同除飭振武軍遵照外所有會商安吉忠字四營改由養龍會攻開寶賊巢緣由理合稟請察核示遵

稟爲遵將攻克水源溝檜木園偏刀水廟場各逆巢烏江北岸肅清在事出力文武員弁勇丁開單呈請獎勵由

竊本月初三日奉憲台札開攻克偏刀水一案奉

上諭此次川楚兩軍奮力齊進攻拔多年堅巢掃除逆黨洵屬異常出力所有在事文武員弁著准其彙案奏獎欽此又於初四日奉憲台札開攻克水源溝檜木園一案奉上諭其餘出力人員及陣亡弁勇均著查明彙案奏請獎